



© Yuichi Ishida/UNDP Timor-Leste

## INFORMASAUN PROJETU NIAN



UN Partnership on the Rights of Persons with Disabilities

ILO | OHCHR | UNDESA | UNDP | UNESCO | UNFPA | UNICEF | UN WOMEN | WHO

# Hakbiit ba Mudansa – Hamenus Violénsia no Diskriminasaun kontra Feto no Labarik ho Defisiénsia iha Timor-Leste

## Situasaun Rai Laran

Dezde restaurasaun independénsia iha tinan 2002, Timor-Leste hetan ona progresu boot hodi harii fali nasaun ne'e husi konfliktu ba dezvoltamentu sustentável.

Direitus umanus, inklui direitu ema sira ho defisiénsia, konsagra iha Konstituisaun Timor-Leste. Governu espresa ona intensaun atu ratifika Konvensaun kona-ba Direitu Ema ho Defisiénsia (CRPD). Governu mós kompromete ona atu estabelese konsellu ba ema ho defisiénsia sira atu halo supervizaun ba implementasaun Polítika Nasionál tinan 2012 nian kona-ba Inkluziun no Promosaun Direitu Sira ba Ema ho Defisiénsia). Iha 2017, Governu Timor-Leste adota matadalan ba Objetivu Dezvoltamentu Sustentável (ODS). Matadalan rekoñese katak inkluziun nu'udar xave ida hodi alkansa progresu ba dezvoltamentu sustentável.

Maske iha progresu ona, iha dezafiu nafatin. Globalmente, nasaun idak-idak nia populasaun 15% mak ema ho defisiénsia Senu tinan 2015 identifika katak populasaun Timor-Leste 3.2% de'it mak ema ho defisiénsia. Persentajen 3.2% karik menus-liu. Atitude diskriminatóriu kontra ema ho defisiénsia eziste nafatin iha família laran, comunidade no prestador servisu. Ema ho defisiénsia enfrenta dezafiu boot hodi ezerse sira-nia direitu oioin. Hanesan ezemplu, ema ho defisiénsia 72% la ba eskola (dadus Senu 2015). Violénsia Bazeia ba Jéneru (VBJ) aas iha Timor-Leste. Maske iha dadus limitadu iha Timor-Leste kona-ba VBJ hasoru feto ho defisiénsia, evidénsia globál hatudu katak feto ho defisiénsia hetan VBJ aas liu dala rua kompara ho feto la ho defisiénsia. Ne'e indika katak VBJ hasoru feto ho defisiénsia iha Timor-Leste karik aas loos. Sobrevivente VBJ ema ho defisiénsia enfrenta difikuldade boot atu asesu justisa.

## Esplikasaun Badak Kona-ba Projetu

<b>Durasaun:</b>	2018 – 2020 (Tinan 3)
<b>Orsamentu:</b>	US \$400,000
<b>Parseiru Nasionál Prinsipal:</b>	Ministériu Solidariedade Sosiál no Inkluziun, Provedoria Direitus Umanus no Justisa; Sekretaria Estadu ba Igualdade no Inkluziun; Ministériu Saúde; Ministériu Edukasaun, Juventude no Desportu; Ministériu Justisa; Judisiáriu, Organizasaun Ema ho Defisiénsia nian; no ONG sira-ne'ebé serbisu iha área defisiénsia UN WOMEN, UNICEF, UNFPA, WHO, Unidade Asesoria ba Direitus Umanus Timor-Leste tomak, Dili
<b>Ajensia ONU:</b>	<b>10</b> ( <i>Hamenus Dezigualdade</i> ), <b>5</b> ( <i>Igualdade Jéneru</i> ), <b>1</b> ( <i>La iha Mukit</i> ), <b>3</b> ( <i>Saúde Diak</i> ), <b>4</b> ( <i>Kualidade Edukasaun</i> )
<b>Área Impaktu: ODS:</b>	<b>Anjet Lanting</b> Asesora Direitus Umanus <a href="mailto:anjet.lanting@one.un.org">anjet.lanting@one.un.org</a>
<b>Kontaktu:</b>	<b>Liliana Amaral</b> Ofisial Programa Nasionál <a href="mailto:liliana.amaral@unwomen.org">liliana.amaral@unwomen.org</a>



© Felix Maia/UN Women 2018



**"Feto no labarik feto ho idade hotu-hotu no ho kualkér forma defisiénsia nian mak vulneravel no marjinalizadu loos iha sociedade. Tanba ne'e presiza konsidera no rezolve sira-nia preokupasaun iha política no programa hotu-hotu. Presiza foti medida espesiál iha nivel hotu-hotu hodi integra sira iha dezvoltamentu."**

— Rezolusaun Assembleia Jerál ONU nian S-23/3, 10 Juñu 2000

## Projetu ne'e halo saida?

Projetu Hakbiit ba Mudansa apoia ema ho defisiénsia atu goza sira-nia direitu ba moris ne'ebé livre husi diskriminasaun no violénsia. Projetu ne'e sei apoia asaun ba ratifikasaun Konvensaun ONU nian kona-ba Direitu Ema ho Defisiénsia (CRPD). Projetu ne'e sei hametin kapasidade instituisaun no Organizasaun Ema ho Defisiénsia (OED) sira-nian atu hakerek no análise lei no política sira hosi perspetiva direitu ema ho defisiénsia, no atu prepara orsamentu jerál ne'ebé sensível ba defisiénsia. Sei haforsa mós kapasidade OED sira-nian no Instituisaun Estadu sira-nian ba monitorizasaun no relata kona-ba direitu ema ho defisiénsia sira, inklui ba CRPD no tratadu sira seluk ne'ebé Timor-Leste ratifika ona.

Projetu ne'e sei avansa direitu hanesan ba feto no labarik-feto sira ho defisiénsia ne'ebé enfrenta diskriminasaun ho forma oi-oin.

## Hakbi'it ba Mudansa – Estratejia

### Karik

Lejizlasaun, planeamentu, no kuadru política ne'ebé mak integra direitu ema ho defisiénsia no hametin implementasaun ho mekanizmu ba monitorizasaun no relata ba UN-CRPD koloka ona

NO

Fornesidor prinsipal ba servisu sira ba prevensaun no resposta ba violénsia-bazeia ba jéneru aumenta ona kapasidade atu kumpri obrigasaun

NO

Ema ho defisiénsia iha kapasidade diak liu atu halo advokasia ba direitu no atu asesu ba servisu VBJ inkluzivu ba defisiénsia

### Rezultadu


**Ema ho defisiénsia iha Timor-Leste, liu-liu feto no labarik sira, sei livre husi diskriminasaun no violénsia bazeia ba jéneru**

Projetu ne'e sei kontribui ba prevensaun no atendimentu ba violénsia, liuliu VBJ kontra feto no labarik sira-ne'ebé ho defisiénsia. Sei hametin kapasidade prestadór sira hodi refere no fornese servisu ne'ebé inkluzivu no asesivel liu ba feto no labarik ho defisiénsia, liuliu Ministériu Solidariedade Sosial no Inkluziun; Edukasaun, Juventude no Desportu; Saúde; Justisa; no mós Judisiáriu. Projetu ne'e suporta integrasaun asuntu defisiénsia iha Rede Referral ba VBJ. Sei hakbiit ema ho defisiénsia, liuliu feto sira, hodi lidera treinamentu ba prestadór servisu kona-ba direitu no defisiénsia, no mós atu monitoriza no dokumenta kazu VBJ sira.

Projetu ne'e sei apoia labarik sira ho defisiénsia iha Dili, ne'ebé la eskola, hodi tama sistema edukasaun. Projetu ne'e sei servisu ho sentru edukasaun inkluzivu Dili nian hodi fó treinamentu ba profesór sira kona-ba prinsipiu no prátika edukasaun inkluzivu nian no oinsá atu hanorin labarik sira-ne'ebé ho defisiénsia oioin.


## Porsentajen Populasaun ho Defisiénsia

### Estimasaun Global



Fonte dadus: Relatóriu Mundiál kona-ba Ema ho Defisiénsia, WHO & Banku Mundiál, Tinan 2011

**Dadus iha Timor-Leste indika estimasaun ki'ik liu**



Fonte Dadus: Senu Nasionál ba Uma-kain no Populasaun, tinan 2015